



Bou ons kinders vir môre

Sondagskool 3

Lestitel: Die twaalfjarige Jesus in die tempel

'n Ouerhandleiding

Sondagskooltuisonderrig



Liewe Ouer

Welkom by die les: **“Die twaalfjarige Jesus in die tempel”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die twaalfjarige Jesus in die tempel
Bybelwoord	Lukas 2: 41-52
Lesdoelwit	Die kinders besef dat Jesus die Seun van God is.

Lesopsomming:

- Jesus het in die klein stadjie Nasaret in Galilea grootgeword saam met sy moeder Maria en Josef.
- Toe Jesus twaalf jaar oud was, het Maria en Josef hom na Jerusalem geneem vir die paasfees. God het die Israeliete van slawerny verlos en hulle bevry, daarom vier hulle elke jaar hierdie verlossing en dank God daarvoor. Dit was 'n feesviering en duisende mense van regoor die land was in die stad.
- Aan die einde van die fees het Maria en Josef by ander uit Galilea aangesluit. Hulle het gedink Jesus was saam met hul familie en vriende in die skare op hul terugreis.
- Die aand het Maria en Josef kamp opgeslaan, maar toe hulle na Jesus soek kon hulle Hom nie vind nie.
- Na 'n dolle soektog het hulle besef dat Jesus nie by hul familieleden of vriende was nie. Dadelik het hulle na Jerusalem vertrek om Hom in die stad te gaan soek.
- Nadat hulle vir drie orals gesoek en deurgegaan het, het hulle die tempel binnegegaan en Hom daar gesien. Jesus het met die leraars van God se wet gesit en na hulle geluister en vrae gevra.
- Diegene wat na Jesus geluister het, was verbaas oor die vrae wat Hy gestel het en die antwoorde wat Hy gegee het.
- “Kind, waarom het jy so met ons gemaak?” het Maria gevra. “jou vade ren ek het jou met angs gesoek.”
- “Waarom het u my gesoek?” het Jesus gevra. “Het u nie geweet dat ek in die dinge van my Vader moet wees nie?” Maria en Josef het nie verstaan wat Hy gesê het nie.
- Jesus het saam met sy ouers na Nasaret teruggekeer en hulle gehoorsaam. Maria het al hierdie dinge in haar hart bewaar en Jesus het in liggaam en wysheid gegroei en guns by God en die mens verkry.



Wat beteken hierdie les vandag vir ons?

- God se wysheid was in Jesus. Hy kon al die vrae beantwoord, want Hy het waarlik sy Hemelse Vader geken.
- Jesus is na die tempel getrek en Hy het na aan sy Hemelse Vader daar gevoel. Jesus het bewus geword van sy goddelike oorsprong tydens die besprekings oor God in die tempel. Hy is die Seun van God wat gestuur is om die mensdom te verlos.
- Ons is God se kinders. Ons kry ook die geleentheid om na aan God te wees wanneer ons sy woord in godsdienste en familiebesoeke hoor en wanneer ons bid. Onthou dat Jesus die Seun van God is, en ons moet sy voorbeeld volg deur altyd na aan ons Hemelse Vader te wees, deur gebed en deur godsdienste by te woon.

Sommige vrae wat ons kan vra:

1. Waarom het Maria, Josef en Jesus na Jerusalem gereis?

Antwoord: Hulle het na die paasfees gegaan

2. Wat het Jesus in die tempel gedoen toe sy ouers Hom daar kry?

Antwoord: Hy het met leraars van God se wet gesit en na hulle geluister en vrae gevra. Hy het sy eie vrae intelligent beantwoord.

3. Waarom het Jesus na die tempel gegaan?

Antwoord: Hy het daar na aan God gevoel en Hy het geweet dat Hy die Seun van God is, wat gestuur is om die mensdom te verlos.

'n Gebed vir Pappa en Mamma om voor die les te bid:

Liewe God, baie dankie vir hierdie dag, Seën alle ouers en kinders

Mag ons u teenwoordigheid aanvoel, Seën die les wat ons gaan hê

Leer ons hoe om U te dien, En help ons om u wil te doen

Sodat ons nader aan U kan groei, Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.